



2891.1920

ARISSI

PRO D. GEORGIO CO

mihi ab Erpach, Palatinatus Rheni Archipin  
terna, Praefidi Alsatie &c. Domino  
suo Clementi, Philippus Me-  
lanchihon. S.



summa prudentia, summaque facundia disse-  
rentem audiebam, concepi, singulari quodā  
studio erga te accensus fuisset, iā olim equi-  
dem optavi, animum atque uoluntatem hanc  
meam digno atque idoneo aliquo argumēto  
tibi declarare posse. Ea enim pulcherrima-  
rum rerum propria quaedam uis est, ut non  
solum animorum nostrorum sensus, recor-  
datione sui afficiant atque oblectēt, uerum etiā  
eiusmodi

EPIST. NVNCVPAT.


eiusmodi desyderio impletos a se dimittant,  
ut quārumuis procul amotus atque sepositus  
fueris, subinde tamen recurrere & ad ea quę  
absunt, pręsens referri, tibi uideare. Et quę  
admodum in excellentibus picturis ac tabu-  
lis accidere nobis ipsi uidemus, ut oculi no-  
stri contemplando, satiari fere nunquam possint,  
semperque nouum aliquid spectantibus no-  
bis sese offerat, quod discedentes ultro allici-  
at, detineatque, ita ipsa uirtus quoque sensus at-  
que cogitationes nostras trahit, neque unquam a  
sua admiratione quiescere, longiusue recede-  
re permittit. Itaque etiam sit, ut non modo ipsi  
intra nos earum rerum, quarum studio atque  
amore ita tenemur, uoluptatem capere con-  
tenti simus, uerum etiam nescio qua ui com-  
pulsis aliis quoque eadem illa, quibus nos affici-  
mur, predicare atque commendare subinde stu-  
deamus: ac perinde atque ungēto aliquo deli-  
bui odores nostros in obuios ac proximos  
quosque diffundimus. Proinde cum eodem mo-  
do erga te, Clariss. uir, ego quoque commotus  
& incensus iam diu essem, cuperemque studiū  
atque affectum hunc meū etiam opere, ac ceu  
manifesto aliquo signo, testatū facere, nuper  
posteaque Lucianicū in Demosthenem Enco-  
mium scholę nostrę publice interpretandū  
cepissem, ipsumque libellum pro meo more  
ac modo, Latīna oratione uertissem, operā


A 3













ORATIO  
DE FOELICISSIMA ELE  
CTIONE INCLYTI AC POTENTIS-  
simi Regis Vngariæ & Bohemiæ  
Ferdinádi, Archiducis Austriae,  
in regem Romanorū &c.  
Aquisgrani corona-  
ti, die, XI

Ianuarij, Anno. M. D. XXXI. Casparē  
Vrfino Velio regio Historico Autore.



Cum gratia & priuilegio. C. M.

3.854

# AD SERE-

NISSIMVM AC POTEN-

tissimum Principem inclytum, Roma  
nor, Vngariæ & Bohemiæ &c.

Regē Ferdinādum

Nūnc ubi pro meritis Rex inclyte tertia Regni

Imposita est capiti sacra corona tuo,

Nullus in immenso se rex tibi conferat orbe,

Qui tantum Augusto fratre uocare minor.

Auguror, amborum hoc pietas, inuictaq; uirtus,

Mutuus ut forti pectore spondet amor.

Maximus Augusto Rex qui uiuente crearis,

Illo etiam uiuo Cesare Caesar eris

Fridericus Nausea Blancicāpianus ad

Vrsinum Velium.

Si qua fides Phæbo, facunde Vrsine, diserto,

Verius Oraclo dicis Apollineo.

Nam minor Augusto Caesar, sed Cesare maior,

Est post Augustum nullus in orbe ducum.

Solus enim tenet hic par, solus & ille supremo,

Cum Ioue diuisum possidet imperium.

Nunc dat uterq; (uelut Remo cum fratre Quirinus)

Gnauius imperio regia iura sacro.

Τέλος.



2894.1920  
0

ILLVSTRI AC MAGNIFI  
CO DOMINO D. CHRISTOPHO  
ro à Schydlowitz in Smytlow, & magno  
Oppatou hæredi Castellano, nec non ma  
gno Capitateo gñali Cracouiēsi, supmo  
incltyti regni Poloniæ Cancellario &c.  
digniss. & amplissimō uiro ac Do  
mino unice obseruando: Cas  
par Vrsinus Velius Regi  
us Historicus, S. D.



INGENTES AC PRO  
pe incredibiles in animis morta  
lium excitat amores sui uirtus,  
Illustris & Magnifice Domine,  
ac tanta est uis eius, ut etiam absentes, &  
ignotos mirabilem in modum conciliet,  
ac prorsus amabiles reddat, & uenerādos.  
Id adeo in tua amplitudine mihi mō con  
tingit, siquidem cum fama antea quæ te il  
lustris & ampla toto terrarum orbe spar  
sa uiget, tum uero sæpius ex magnificis ac  
probatiss. uiris D. Vuencellao à Vuilhār  
titz, & Georgio Loxano Regijs consilia  
rijs &c, tuiq; nominis perstudiosis, audiui  
tuam amplitudinem secundum inclytum



& inuictum regem SIGISMUNDVM  
in regno isto florentissimo facile principē  
locum obtinere, ac ualere gratia inter  
omnes plurimum atque autoritate, idq;  
adeo propter admirabilem tuam sapien-  
tiam, ac mirificam industriam, animiq; isti  
us excelsi magnitudinem, & constantiam  
singularem: quorum equidem oratione  
tuas uirtutes & summas & plurimas assis-  
due prædicantium tantopere sum accen-  
sus, ut subinde rationem ac uiam quesierim,  
qua tuam amplitudinem mihi opportune  
conciliarem, eidemq; pro uirili gratifica-  
rer, & declararem incredibile studium at-  
q; obseruantiam, qua te iam inde ex quo  
tui nominis amplissimæq; istius dignitatis  
inclyta ac luculenta fama mihi innotuit re-  
uerenter prosecutus sum, eius adeo occas-  
sio negotij percommoda nunc tandem sese  
obtulit. Etenim cum intellexerim te ex-  
cepto inclyto ac potentissimo rege tuo SI-  
GISMUNDO haud æque alium prin-  
cipem ullum, atq; serenissimum & poten-  
tissimum Romanorū, Vngariæ, & Bohe-  
miæ Regem FERDINANDVM ma-  
gnificere & uenerari, ipso Georgio Lo-

xano autore, qui nunq̃ te apud om̃es lau-  
dando conquiescit, orationem de electo ac  
coronato eodem rege Romanorum &c,  
tuæ amplitudini nominatim ædere consti-  
tuit. Rem quidem minime magnam, sed ta-  
men testem in præsentiarum ac pignus ob-  
seruantiaæ meæ. Oratiōi porro adieci Cra-  
couiæ defensiōem, id carminis ante annos  
fermē sexdecim composui aduersus Poe-  
tam quendam de urbe ista regia ac clarissi-  
ma, cuius famam ille fœdis carminibus in-  
fectatus erat. **D**ebui hoc nobilissimæ urbi  
tanquā altrici meæ, in qua honestis studijs  
Græcisq; & Latinis literis admodum adu-  
lescens sum eruditus. Qd si hæc q̃liacunq;  
sunt, tam grato accipiet animo amplitu-  
do tua, quā candido & simplici mittun-  
tur: sane haud paruum operæ preti-  
um me fecisse iudicabo, cui me  
penitus dedo & cōmendo.

**Ex Aquisgrano.**

**A** in



A C R A T I S S I M E

Cæsar Diue Carole Romanorum Imperator perpetuo Auguste, inclyte ac potentissime rex Ferdināde, Reuerē.

& Illustriss. Principes, uosq; cæteri magnifici & amplissimi uiri. Cum antea plurimis maximisq; in rebus p̄specta est uirtus inclytæ et inuictæ natiōis Germaniæ principū, tā proxime in noīando regē Romanorū singularis oīm uestre prudentia atq; fides in primis enituit. Nihil em̄ præstabilius, & fructuosius nihil reip. Chriane, & nomini Germanico opportunū magis & salutare hoc tpe à uobis p̄stari potuit immortali isto uro bñficio, quo regē Romanorū noīastis eū principē, qui cū Cæsaris Augusti frater est germanus, tū regis dotibus innumeris p̄ditus, uel adhuc florēte in ætate oēs alios etiā grandes natu usque quaq; antecellit. Nimirū prouiderunt ī armis suis amplitudines ur̄æ hisce difficillimis tēporibus, quā maxime opus esse principe ac rege eo, q animi magnitudine, maturitate & pōdere consilioꝝ, reꝝ gerenda r̄ū celeritate, copiisq; & opib⁹ cæteris præ



staret. Itaq; uestra uolūrate ac iudicio & ex  
ximia fide, serenissimū & potentissimum  
Vngariæ & Bohemiæ regē inclytū prin-  
cipē Ferdinandū rite & auspicato regem  
Romanorū designastis, q per seipse cū plu-  
rimū possit, fratrem germanū sibi coniun-  
ctissimū Diuū Carolū Romanorū Cæsare  
pperuo Augustū, cuius copijs atq; opibus  
sicubi res postularit, æque ac suis proprijs  
fretus, haud dubie sibi, uobisq; oībus salu-  
ti, hostibus atq; aduersarijs ur̄is exitio est  
futurus. Cuius de potentia utriusq;, sapien-  
tiaq; admirabili, ac cæteris regijs uirtutib;  
qm̄ iā olim cognitas habetis, atq; ego ne  
lōgissima qdem oratiōe enumerare pos-  
sum & exeq, spatijs p̄sertim t̄pis inclusus,  
dicere in p̄sentia; sup̄sedebo: uestrū mo-  
do in eligēdo peracre iudiciū, ac tā singu-  
lare & p̄clarum facinus quā utile ac neces-  
sariū sit, itemq; salutare cūctæ reip. Ch̄ia-  
næ breuiter explicabo. Iacta sunt ā uobis  
fundamēta cōcordiæ sempiternæ Illustris-  
simi idēq; optimi ac uere Ch̄iani princi-  
pes, quæ una in Germaniæ principibus  
& populis utiq; desiderabat. Qua conflata  
oīm gentium & nationū uictores uos fo-

re ueterę tenuit opinio, hodieq; pollet eā  
quā oībus est exoptanda bonis, ut uobiscū  
foederatis, tā profecto metuēda fuerit ho-  
stibus noīs Germanici & reliquæ Chri-  
nitati inīmicis. Quorū cū aliquoties uim  
singulorū expti fuerint, quī nō obsecro tā-  
dem uos uniuerfos exhorrescāt? Accedit  
hoc p̄terea boni, qđ in eligendo Inclytū re-  
gem Ferdinandū cōsecuti, qđ penē dicio-  
nis atq; potestatis ur̄ae feceritis certe, ppe-  
tuā cōiunctiōis socialisq; fidei uinculo lō-  
ge potentissimā inuictamq; nationē nobis  
deuinxistis, Hispanos inquā fortissimos  
uiros, ac ceterarū rerū omnium, sed potissi-  
mum bellicae rei laudibus florētes. Quorū  
antea regem nunc eius ipsius fratrem u-  
trūq; Austriæ Archiducem ultro Roma-  
norum reges designastis. Ea gens per se  
ip̄a bellicosa, quantum in armis ualeat p̄ci-  
pue uobis consociata, satis declarauerunt  
iam aliquot ab hīnc annis tot secūdissima  
praelia facta, ac tot memorabiles & multis  
seculis inauditae uictoriae sacratissimo Cae-  
sari Carolo Quīto foelicitissime partae. Vñ  
explorato ac liquido indicare possumus  
murum esse aeneum & plane inuictum

robur exercitus eius, qui ex harum nationum militia fuerit conflatus. Vocem equidem mittam ut liberam ita sane recta, ac Delphico Oraculo ueriores, si haec concordia inter uos, ut speramus omnes, coaluerit, & si iste consensus uester cum gente bellicosissima corroboratus inueterascet, nihil deinceps erit uirtuti uestrae, nihil armis uestris inexpugnabile futurum. Nam si Thracum & Macedonum haud ita numerosis copiis Alexander Philippi fretus totum orientem uictor obiuit, atque innumerales populos debellauit, ac tantos spiritus sibi sumpserat, ut mundi imperium totius animo inuaderet, nemo addubitet Serenissimos germanos adiunctis Hispanorum in armis pariter exercitissimorum auxilijs, orbis imperium adepturos. Quapropter hanc adeo opportunam & foelicem regis Romanorum nominationem merito omnes comprobarint, ac laudibus in caelum extollant, sibi in primis gaudeant, nobisque & reip. Christianae gratulentur. Deo item Optim. Maxi. cuius instinctu haec rite fiunt tam propitio, ac genus humanum benignius modo respicienti

B



grati gratias agāt immortales, eius diuinæ  
clementiæ & misericordiæ hæc referētes  
accepta. Tuæ porro Maiesta . Inclytiss. ac  
potentissime rex Ferdinande accessionem  
& incrementum amplissimæ ac regiæ di-  
gnitatis optimo iure euenisse omnes fa-  
tentur. Etenim cum hæc, tum si qua maio-  
ra principibus ornamenta in terris confer-  
ri possint, iam olim uirtus & pietas tua, sa-  
pientiaq; admirabilis atq; industria pro-  
meruerunt; qui ubi cum animo tuo agita-  
ueris in qua gente regni gubernacula acci-  
pias, facile tu quidem cognosces secundū  
fratrem tuum Carolum Cæsarem te potē-  
tissimum Europæ principem fore, quippe  
qui in Germania summum principatum  
& regnum obtinebis. Hi sunt si quis ad-  
huc ignorat illi Germani, quorum ma-  
iores legatis Alexandri Magni rogantib.  
ecquem mortalium timerent? magnifice  
responderunt; nihil aliud se uereri, quàm  
ut ne cælum ruat, significantes nulla hu-  
mana uī, ac non nisi cæli ruina sese op-  
primi posse. Hi sunt illi Germani qui Iu-  
lio Cæsare in Gallia bellum gerente mi-  
liti Romano tantum terroris incusserunt,

ut passim in castris testamenta obsignarē-  
tur, suumq; priuatim quisq;, ac publice cō-  
mune periculum miserando complora-  
ret. Hi sunt qui eidem Iulio Cæsari bello  
ciuili aduersus Gne. Pompeium fortissi-  
mam ac fidelissimam operam nauarunt,  
quorum ille uirtute militum tamen si per  
paucorum numerosas & præualidas ho-  
stium copias cæcidit. Hi sunt Germani q̄  
rum legati usq; è Phrygia Romam missi,  
cum ducti in Theatrum loca quædam cō-  
spexissent honoratiora, atq; ab alijs secre-  
ta, quesierunt qui nam illic sedere consue-  
scent: quibus cum responsum fuisset, sedes  
eas esse senatorum ac legatorum qui à re-  
gibus ac populis fide atq; usu armorum p-  
bati, & reipub. Romanæ amicis mitteren-  
tur: illi subito eo sessum concesserunt ex-  
clamantes, nullos mortalium æque fideles  
& bellicosos esse atque Germanos. Quæ  
uox Neroni adeo grata fuit, ut summo ho-  
nore ambos prosecutus etiam ciuitate do-  
naret. Hi sunt Germani quibus de prouer-  
bii uice iactatum est, qui male atque infœ-  
liciter pugnare uolet, Germanos laceffat.  
Hi sunt deniq; Germani illi quibus pro-

pter studium ingēs pietatis ac bellicæ uir-  
tutis gloriam, delatum ultro fuit imperi-  
um Romanum, qui in hunc usque diem  
nemini nisi quem delegerint ipsi parere  
consueuerunt. Atque hunc in modum cū  
sint animati Germani, quis dubitet tali du-  
ce qualis est Maiestas tua magnanime &  
fortissime rex Ferdinande, talisq; auspicijs  
regis inuictos populos uictoriæ compos-  
tes adorem ex hostibus subinde reporta-  
turos, omnes omnibus uotis exoptamus,  
atq; à deo immortalī iure quodammodo  
nostro exposcimus, ut quemadmodum  
nuper apud Coloniam Vbiorū eo in tem-  
plo ubi diuorum trium regum sacra cor-  
pora reuerenter composita uisuntur, ter-  
tij regni decus atq; fasces rite suscepisti: ita  
quam illi gratiā apud deum immortalem  
eminuerunt, cum tu tua pietate assequa-  
ris: atq; ut illi usq; ab ultimis ppe orientis  
finibus longissimo itinere mirifice & pro-  
digialiter uenerunt adoratum deum ser-  
uatorem nostrum, ita Maiestas tua ad ori-  
entis usque extremos populos & natiōes  
eius nomen & gloriam fidemq; Orthodo-  
xam proferat, & quam latissime exten-



dat. Hic uero iam cohortandi essent principes ac populi Germaniæ ad susceptionē belli necessarij & lōge oīm iustissimi, quos satis sup̄q; admonitos & excitatos superiorum temporum cladibus existimandum est. At, quo libentius pro libertate uestra à maiorib⁹ uestris uobis tradita, à quibus neutiquam degenerare oportet, pro salute & conseruatione liberorum uōrum & coniugum arma capescere uelitis uiri Germani, habetis fortissimum & p̄mptissimum Ducem, cuius signa alacriter sequamini, & eius ductu hostem crudelissimū, qui anno superiore bello uos tentauit rursus bello appetatis: qui si uiri esse pergetis, malueritis suis in sedibus illum opprimere, quā fines uestros uastantē sero nimis amoliri. Qd̄ haud ita arduū factu fuerit, si mō in unū conspirantes arma mature cōsociaretis, ac propuleritis à focis ac penatibus uestris teterrimos hostes, q̄ magis occasione quidem dissidij principum Christianorum, quā uirtute sua freti hactenus tantū nobis damni ac tot clades intulerunt. Id quod iam pridem in animo suo reputans sacratissim⁹ Cæsar Carolus


Quitus, ut atrocissimis ac nefarijs hostium  
conatibus tandem aliquando obuiā eatur,  
Italiam totam ne scintilla quidem bellici  
incendij relicta breui atq; foelici successu  
pacauit. Regum, aut cum eo, aut inter se  
iras atq; inimicitias gerentium animos, ex  
tirpatis radicibus odijs, ac sublati ē medio  
simultatum omnibus causis: mirifice con  
ciliauit: uestras præterea lites & pernicio  
sa dissidia componere etiamnum elabo  
rat. Iam uos omnes æquum est obediēter  
audire atq; imitari fortissimi Germani, Di  
ui illius Caroli Magni, cuius beati cineres  
hac in æde sanctissima conditi seruantur,  
armis ac pietate iam nunc per similem at  
q; olim, si annorum illum numero, quod  
precibus assiduis à deo inmortalī poscen  
dum est, adæquarit multitudine rerum  
præclarissime gestarum & magnitudine  
maiores illo & augustiores futurum.  
Faxit Opt. & misericors de<sup>9</sup>, ut quod iam  
uidemini parturire tempestiue pariatis:  
hoc est, ut primo quoq; tēpore arma oēs  
capientes teterrimis hostibus, læti ac uolē  
tes obuiam eatis. Sic enim cum clementis  
simo ac fortissimō rege uŕo dei honorē at


que Orthodoxam fidem hominumq; &  
uestrum omnium salutem ac liber-  
tatem pie, gnauiter, & præ-  
stantibus animis defen-  
detis, rem uniuersam  
Christianam ma-  
gnope in-  
clinatā  
Instaurantes restituetis, restitu-  
tam ampliabitis, atq; in per-  
petuum cōseruabitis  
ampliatam,  
Dixi,

Impressum Colonie apud Eucharium, ære et impensis ho-  
nesti bibliopole Iohannis Haselbergs de Aya, Con-  
stantien. diocesis incola. Anno a Chri-  
stonato. 1531.











Konserwacja dokonana w r. 1953  
przez Piotra Karowskiego  
Inteligatora Biblioteki Miejskiej

B 847 - B 855

